

老學友的一封信，各位同學安好，老生不務正業，浪跡中國載籍多年，國學略有心得，粗知入門蹊徑，無關家計，非為高談闊論，唯在安身立命，愚者千慮一得，皆非浮言虛語，勿以人微言輕，冀請一顧，或令韓華子弟稍有補助焉，中華文化博大精深，不由門徑登堂入室，備嘗百味，咀英嚼華，何以得知其然乎，然其攔路之虎為文言，即古漢語也，吾曹韓華學子先天不足，後繼失調，且中華經籍浩瀚，古文佶屈聱牙，雖皓首窮經，亦多有不通之時，無有不屈不撓之志，自強不息勇猛前進，難以達到彼岸文苑，故於事貴乎良擇，簡繁從精則事半功倍，興趣盈然而不怠不懈，再接再勵終必豁然開通，生為天朝之人，死作中華英魂，不辱一世，勿枉生涯，其根基文籍有四焉，一曰古文觀止，二曰四書，三曰綱鑒易知錄，四曰唐詩三百首，先熟爛斯文才有餘力瀏覽百家賢言，若資材不足而堅守反復誦讀此四者，則足以受益終身。

古文觀止，清康熙間，吳楚材編著，彙集左傳至大明歷代名篇文章，篇短易誦，諺曰諷誦五十篇則古文明瞭，誦讀百篇則下筆如神，驚天地泣鬼神，何樂而不為，只有知者力行焉。

四書者論語孟子大學中庸也，此為德行之準則，義理之源泉，句短義奧，不易探透，古往今來名家多有注疏，獨有朱熹注解，字字珠玉，理晰義明，無有雜蕪，影響中外八百餘年，敬稱朱子理學大集成者，名實相符，誠至當之尊號，以之兼參則必定融會貫通，少有澀滯。

網鑒易知錄，清康熙時，吳楚材等眾人編纂，始於盤古開天闢地，迄於大明衰亡崩潰，其間堯舜夏商周，漢唐宋元明，歷代興衰原委，隆替起因，人事制度忠奸眾相，一目了然，二十四史之菁華，彙集無遺，亦為天地間之奇書，先哲有言，讀史長智，誠不吾欺之箴言。

唐詩三百首，上承至聖先師孔子所刪編之詩經，下啟宋明繁昌之詞曲，食古不化則易流於汨亂靈牲，甚者性情古怪離群索居，必也歌詠調性而敦厚情感，勿也不食人間煙火以泯滅天賦，嘮叨煩耳，不知休筆，知其者憐吾勞而無功，不知者笑予愚癡不化，當今何世，知識爆炸年代也，唯拾古人牙垢余唾，何能苟全于生計萬難之世乎，吾必曰天降大任，必先苦其心志，勞其筋骨，餓其體膚，富貴不能淫，貧賤不可移，大哉聖言，流芳萬古。

申延祥謹記